



## Aningaasaqarnermut Naalakkersuisoq

Ulloq: 1. december 2020  
J.nr.: 01.31.06/20-00908

### Aningaasaqarnermut Akileraartarnermullu Ataatsimiititaliap ataasinngornermi ulloq 23. november 2020-mi aalajangiineranik Naalakkersuisunut ilisimatitsineq.

### Nuummi Eqalugalinnguani nutarterinissamut atugassiinissaq. Sag nr. 01.31.06/20 – 00908.

”Naalakkersuisut inassutigaa:

- Kontomi pingaarnermi 89.72.12 Inissialiassat taartissanillu inissialiortiterneq, suliasamut nutaamut nr. 060.31.065 Nutarterineq Eqalugalinnguit, Nuuk, aningaasaliissutit 2020-mi 12,9 mio. koruuninik amerlineqassasut, aamma
- kontomi pingaarnermi 80.00.10 Sanaartugassanut Iluarsagassanullu Aningaasateqarfimmit utertitat 2020-mi 12,9 mio. koruuninik ikilisinneqassasut.”

### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Aningaasanik atugassanngortitsinermi pingaartumik sulisunut inissiaatit amerlineqarnissaat siunertarineqartoq Naalakkersuisunit paasissutissiisutiginerpoq. Namminersorlutik Oqartussat Naalagaaffik suleqatigalugu Kalaallit Nunaanni meeqqat inuussuttullu ajornartorsiortut sullinneqarnerinik nukittorsaanissaq naammassiniarlugu tamanna pisariaqarpoq nukingiuuttariaqarluni. Aamma atugassanngortitsinissaq Namminersorlutik Oqartussat inissiaataanni attartortittakkani kinguaattoornerit killilersorniarneqarnerinut, tassungalu ilanngullugu illuutit ajoqusernarnerinik unitsitsiniarnermut ilaatinneqartussaavoq.

Isumaginninnermi suliniutinut atatillugu inissianik pisariaqartitsineq naammassiniarlugu matumani Nuummi Eqalugalinnguani inissiat 13-it nutarterneqarnissaannut 12,9 mio. koruuninik immikkoortitsisoqarnissaa qinnuteqaatiginerpoq.

Naalakkersuisut ima paasissutissiippat:

*”Kannguttaatsuliortut katsorsarneqarnissaannut sinaakkusiussasat pisariaqartinneqartut Namminersorlutik Oqartussanit qulakkeeriffigineqanngippata, tamanna allannguinerinik kinguneqarsinnaavoq, naggataagullu Namminersorlutik Oqartussat aamma Naalagaaffiup isumaginninnermi ataatsimoortumik suliniutissat pillugit isumaqatigiissutaat taamaatinneqarsinnaalluni. Tamatuma kingunerisaanik Naalagaaffiup tamatumunnga akiliutissai ikisisinneqarsinnaapput taamaatilluinnarneqarsinnaallutilluunniit.”*

Isumaginninnikkut suliniutit pillugit Naalagaaffimmut ataatsimoortumik isumaqatigiissut tunngavigalugu inissiat pineqartut isumaginninnermut suliasaqarfimmut sooq immikkut atugassanngortinneqarumanersut akineqassasoq ataatsimiititaliamit kissaatiginerpoq.

Namminersorlutik Oqartussat immikkoortortaanni allani aammalu suliffeqarfiutigisat sinnirini sulisunut inissianik annertuumik amigaateqareerseq suliame matumani Naalakkersuisunit isiginiarneqarsimangila?

Kiisalu sanaartugassanut nutaanut aningaasaliisoqartillugu nunaqarfiit isorliunerusullu immikkut eqqarsaatigineqartarnissaat ataatsimiititaliap kissaataanut naapertuummat ataatsimiititaliamit uteqqinneqassaaq.

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni apeqquaqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua